

## Tia minjisia iyi Pɔlu í kɔa Timotee

### *Pɔlu í ce Timotee fɔɔ*

<sup>1</sup> Amui Pɔlu, woo bei Jesu Kirisi si idɔɔbii Ilaaɔ. Ilaaɔ í dasim n sisi ideɪ kuwɛɛ iyi í wɔ̀d wa si anu akã nwa do Jesu Kirisi.

<sup>2</sup> Amui ñ kɔɛ tiau ihẽ wa Timotee, awɔ iyi ñ bi jiiida nɔ ì ye bei ama abím si kpãai naane ku dasi. Ilaaɔ Baaba do Jesu Kirisi Lafẽɛ nwa a ce araareɛ a muue didɔ do laakai ku sũ.

### *Saabu do gbugbã ku mua*

<sup>3</sup> Ñ wa n saabu Ilaaɔ, nɲu iyi ñ wa n tɔɔ do idɔ hai ne taale si bei balam ɲa à tako à ce wo. Waati kãma fei ñ ya n maa n saabu Ilaaɔ na iriɛ, nɔ dasãd idũ fei ñ ya n maa n ye gigie si kutɔm.

<sup>4</sup> Ñ wa n ye gigii kukpataɛ \*, nɲui í jò ñ bi ku yeɛ ntɔ ntɔ ku ba inɔ didɔm nɔu ku kɔ.

<sup>5</sup> Ñ wa n ye gigii naane ku dasi hai ne muafiti iyi ì ne. Dimiei ayie Loisi do iyeɛ Enisi à ne. Ñ mà kam kam iyi awɔ mɔ ì nɔɔ.

<sup>6</sup> Nɔi í jò ñ wa n yeɛ gigii iyi í sɪa i ce ice do amua iyi Ilaaɔ í muɛɛ si waati iyi ñ leɛ awɔ si iriu,

<sup>7</sup> domi Hunde iyi Ilaaɔ í mu nwa kaa jò ka ce njo, amma í ya jò ka ne gbugbã do kubi do ara ku mu.

<sup>8</sup> Na nɲu, mà ti í ce anyɔi seɛdai Lafẽɛ nwa ku je, nɔ i mà ya ce anyɔi amu takam, amu iyi ñ wa ile

---

\* **1:4 ñ wa n ye gigii kukpataɛ** Timotee í kpatai wo si waati iyi Pɔlu wa ne. Amma Pɔlu wa bi ku naa ku yɔɔ má ku ba inɔ ku fɔ nɲau ku kpa iri.

piisḗo na iriε. Amma jò i jesi awaε ka ye ijuukpã ajò na irii laabaau jiidau nò í maa neò gbugbã iyi Ilaaḗ í muεε.

<sup>9</sup> Nḡui í faaba wa nò í kpe wa ka je inεε ḡa. Kù je na icε nwa ḡa iyi à ce, amma si na iyi í jò nḡu takae í bi beεbei na didḗε. Didḗeu í jile nwai hai tako tako na anu akã nwa iyi à ce do Jesu Kirisi.

<sup>10</sup> Nsei, kunaai woo Faaba nwa Jesu Kirisii í nyisi wa didḗu. Jesu Kirisiui í kpa irii gbugbã iku nò í nyisi wa kuwεε iyi ci ya tā na saabui laabaau jiidau.

<sup>11</sup> Ilaaḗi í jò n̄ je woo be do woo k̄osi cio ku ba n sisia inε ḡa laabaau jiidau.

<sup>12</sup> Nḡi í jò n̄ wa n ye ijuukpãu ihē. Amma anyò kù waa muum, domi n̄ mà inε iyi n̄ dasi naane n̄ nò n̄ mà kam kam iyi í ne gbugbã ku maa mu ide iyi í jòm n̄ou hee ajòu koo toò wa.

<sup>13</sup> Ide nt̄ou iyi n̄ sisie, muu do naane jiidu do kubi iyi à ne si anu akã nwa do Jesu Kirisi.

<sup>14</sup> Ide jiidu iyi à daε si awò, muu do gbugbãi Hundei Ilaaḗ iyi í wa si wa.

<sup>15</sup> Awò takae ì mà iyi inei Azii ḡau fei à fũ sim awò. Si inò nḡa bei Fijeli do Heem̄j̄eni à wa.

<sup>16</sup> Ilaaḗ kú ce araarei nyaanzei Onεzifḗo domi í muum gbugbã ise fεεfelo. Kù nò kù ce baa anyoi iyi n̄ wa piisḗo.

<sup>17</sup> Iyi í to wa Romu m̄m i dεdεem nii do inò akã hee í koo í yem.

<sup>18</sup> Nò Lafēε ku jò Ilaaḗ ku ce araareε si ajò kiituu. Awò takae ì mà sã sã icε iyi í ceem Efεεzu.

*Woo jabu jiidai Jesu Kirisi*

## 2

<sup>1</sup> Na nηu, awɔ amam, mua arae gbugbã si didõ iyi à ne do anu akã nwa iyi à ce do Jesu Kirisi.

<sup>2</sup> Iyi ì gbɔ̀ n̄ wa n fɔ̀ si wajui ilu seeda nkpɔu, daa ilu naane gɔ̀ ηa mɔ̀ si awɔ̀, ine ηa iyi aa yɔ̀kɔ̀ a kɔ̀ ine gɔ̀ ηa mɔ̀ si cio.

<sup>3</sup> Ijuukpã iyi á naa sie bei amu mɔ̀ fei, jò i jesi bei woo jabu jiidai Jesu Kirisi.

<sup>4</sup> Sooge iyi í wa ikoi igũ ci ya ce wũai andunya bii wa bi ku ce idɔ̀bii ine ngboe.

<sup>5</sup> Woo ce gaasai ku sei kaa yɔ̀kɔ̀ ku ba ribai aree bii kù jέ í jirima woodae ηa.

<sup>6</sup> Bεεβε mɔ̀i woo logoo iyi í ce ice do wahala nηui á tako ku je amaaje \*.

<sup>7</sup> Lasabu si ide ηa iyi n̄ wa n fɔu ihẽ, nɔ Lafẽe á sobie i bei i gbɔ̀ɔ̀ yaasei fei ndee.

<sup>8</sup> Ye gigii Jesu Kirisi, tɔkui Davidi, iyi í j̄i hai si balɛu. Ideei í wa si laabaau jiidau iyi n̄ wa n waazo.

<sup>9</sup> Na laabaau jiidau n̄ wa n ye ijuukpã hee à ðim do sese bei woo ce laalɔ. Amma idei Ilaaɔ̀ si à ði.

<sup>10</sup> N̄ɔ̀i í jò̀ n̄ wa n temuað fei ndee na irii ine ηa iyi Ilaaɔ̀ í cicau, ku ba aηa mɔ̀ a ba faaba do saabui Jesu Kirisi, nɔ a ne ikpẽ si amboee iyi ci ya tã.

<sup>11</sup> Ide ilu naane wee.

Bii à ku do nηu, aa ka wee do nηu.

<sup>12</sup> Bii à temua, aa ka je bomma do nηu ajɔ̀.

Bii à nɔ̀ à kɔ̀sie, nηu mɔ̀ á kɔ̀si wa.

<sup>13</sup> Baa bii à je hai ne naane ηa, do nηu fei, nηu í je ilu naane,

Domi kaa yɔ̀kɔ̀ ku kɔ̀si arae.

---

\* **2:6** Si tia nwo gɔ̀ ηa à ya ni, “bεεβε mɔ̀i woo logoo á ce icei do wahala ku bei ku ba amaaje.”

*Woo ce ice iyi kù waa ce anyɔi iceɛ*

<sup>14</sup> Ye inɛɛ ɲa gigii ide ɲau ihē fei nɔ i kɔnkɔn du ɲa si wajui Ilaaɗ i ni a maà ya maa ce kakɔɔ si ide ɲa, domi dimii kakɔɔ beɛbe kù ne aranfãani kãma, í gbe ku jò inɛ ɲa iyi à waa gbɔɔ a ce nfe.

<sup>15</sup> Ce kookaai i maa ce iyi aa baò saabu si wajui Ilaaɗ, bei woo ce ice iyi kù waa ce anyɔi iceɛ, iyi í ya maa sisi ide ntɔi Ilaaɗ dee dee.

<sup>16</sup> Amma waasu ide ɲa iyi a kù ne aranfãani gɔ nɔ a kaa sobi inɛ ɲa si naane ku dasi nɲa, domi inɛ ɲa iyi à waa ce beɛbe à ya na a jìò Ilaaɗ a maa kooi.

<sup>17</sup> Idei inɛ ɲau be í yei bei juju sãmi iyi wa beje ara. Si inɔ nɲai Himenee do Filetu à wa,

<sup>18</sup> aɲa iyi à jò kpãai ntɔ nɔ à waa keke naane ku dasii inɛ nkpɔ domi à ni awaatii kujji iku ɲa í lɔ tã.

<sup>19</sup> Do nɲu fei, icui naane ku dasi nwa iyi Ilaaɗ í jile do gbugbã kaa yaya. À mà iyi ntɔi si na iyi í jò kukɔi idei Ilaaɗ wa fɔ í ni, Lafɛɛ í mà inɛɛ ɲa. Nɔ í ni má, inɛ iyi wa kpe irii Lafɛɛ fei ku saa laalɔ ku ce.

<sup>20</sup> Si ile nla jɛɛ dimi ikã ikãí í ya wa be. À ce gɔgɔ ɲa do wura, gɔgɔ ɲa mɔ do iso fufú. Inɛ nɲu ɲau be ajɔi jingau nla ɲai à ya ceò ice. Amma gɔgɔ ɲa mɔ à wɛɛ má iyi à ce do amà, gɔgɔ ɲa mɔ kaalei, inɛ nɲu ɲai à ya maa ceò icei ajɔ fei.

<sup>21</sup> Na nɲu, inɛ iyi wa nya arae hai si laalɔ ɲa iyi n̄ fɔ ideu fei, á yei bei jɛɛ iyi í ne beɛɛɛ. Á je inɛ iyi Ilaaɗ í cica ikã ku je tɛɛ mam mam, nɔ Lafɛɛ á yɔkɔ ku ceò ice si na iyi í jò í tã sɔɔlu ku ceò ice jiida baa yooma fei.

<sup>22</sup> Saa kubi nfe nfei awaasũ ɲa, dɛdɛ kpãai dee dee ku jɛ, do naane ku dasi, do kubi, do laakai ku sũ, awɔ do inɛ ɲa iyi à waa tɔɔ Lafɛɛ do inɔ akã.

<sup>23</sup> Amma maà ya ce kakɔ si mii iyi kù ne aranfãani do iyi kù ne yaase, domi ì mà kam kam iyi nɗui í ya na ku bí ija.

<sup>24</sup> Nɔ wee kù s̄ia woo ce icei Lafɛɛ ku maa ja, amma í s̄ia kú bi ine fei, nɔ kú je ine iyi á yɔkɔ ku kɔ si cio nɔ ku ya temua.

<sup>25</sup> Ine ɗa iyi a kù waa jesi idee í s̄ia ku ba ɗa ide ku fɔ do kúrɔ. Á yɔkɔ ku je Ilaaɗ á mu nɗa kpãa a kpaasiò idɔ nɗa a mà ntɔ,

<sup>26</sup> nɔ laakai nɗa ku baa, a gbã hai si taai Seetam, nɗu iyi wa mu ɗa wo nɔ í jɔ à waa ce idɔɔbie.

### *Waatii ankãanyi*

## 3

<sup>1</sup> Amma í s̄ia i mà ɗa iyi kuwɛɛ nwa á na ku gaabu si waatii ankãanyi.

<sup>2</sup> Amanɛ ɗa aa maa ce ide i iri nɗa, lasabu nɗa fei si fi ai á ya wa, aa je woo tɔɔ fufu, aa nyisi iyi aɗa à je nɔɔɔ, aa maa bu Ilaaɗ. A kaa jirima baa nɗa ɗa, aa je gudulu ɗa, a kaa mà bɛɛɛɛ Ilaaɗ.

<sup>3</sup> Aa je hai ne kubi ɗa, a kaa ne araarei ine ɗa, aa je woo sɔ irii ine ɗa, a kaa mà ara nɗa, aa je ine ku gaabu ɗa, nɔ aa je mbɛɛɛ woo ce jiida ɗa.

<sup>4</sup> Aa je ilu zamba ɗa, a kaa ne lasabu jiida, aa ne faaɔ. Aa bi faayii andunya ku re Ilaaɗ.

<sup>5</sup> Aa maa too kpãai Ilaaɗ do gele, amma ilu muafiti ɗai domi à kɔsi gbugbãɛ. Fa araɛ hai bi amanɛ dimi bɛɛɛɛ ɗa.

<sup>6</sup> Gɔɔɔ ɗa aa maa lɔ kpasɛ do kpasɛ ɗa a maa kãmia inaabo hai donda kulele ɗa. Inaabo ɗau, dulum du ɗa í caa nɔ à waa too bine ikã ikã fei.

<sup>7</sup> Iju iyi í má fei inaabo beεbe ηau à waa de aηa a mà ngəgə, amma a kaa nə a mà ntəu pai.

<sup>8</sup> Si bei Zanəsi do Zambεesi à kəsi Moizi wo, beεbe məi inε ηau mə à kəsi ntəu, iri ηηa í sinda mam mam. Naanε ku dasi ηηa kù nε aranfāani kāma.

<sup>9</sup> Amma kookaai ηηa kaa bəð ηa bii kāma, domi inε fei á na ku ye sūmu ku je ηηa, si bei à ye ti Zanəsi do Zambεesi.

### *Iyi Pəlu í dasi Timotee ku ce*

<sup>10</sup> Amma awə ì mà sāa sāa yaase bei ñ kə inε ηa si cio do yaase bei ñ ce isεεnεm bi tu ηε, do mii ηa iyi ñ dasi idə n ce, do naanε ku dasim, do laakaim, do suurum, do kubim, do temuam.

<sup>11</sup> Ì mà bōnε iyi à nyisim do ijuukpā iyi í bam si ilui Antiəsi do Ikonimu do Lisitu. Kù nε bōnε gə iyi n kù ye bε. Amma Lafēε í nyam hai si fei ndεε.

<sup>12</sup> Ntəi, inε iyi wa bi ku ce kuwεεε dee dee si wajui Ilaađ si anu akā iyi í ce do Jesu Kirisi kù nε bei á ce iyi kù ye ijuukpā.

<sup>13</sup> Amma inε laalə ηa do woo sə ibo ηa waati kāma fei laalə ηηa í ya maa kōsii. Si bei à waa dī ijuui inε gə ηa, beεbe məi à waa dī ijuui ara ηηa.

<sup>14</sup> Amma awə, leekī dim dim si cio iyi à kəε si, iyi ì dasi naanε, domi ì mà inε iyi í kəε si.

<sup>15</sup> Hai keekeei, ì mà kukəi idei Ilaađ iyi á yəkə ku muε bisi ì dasiò Jesu Kirisi naanε ku ba i ba faaba.

<sup>16</sup> Kukəi idei Ilaađ fei hai bi Ilaađi wa naa. Nə í nε aranfāani ku kó inε ηa si cio, ku nyisi amanε kurarəε, nə ku dasiε kpāa jiida má, nə ku nyisie yaase bei á jeð dee dee,

<sup>17</sup> ku ba inεi Ilaađ ku kō, nə ku tã səəlu ku ceð icε jiida baa yooma fei.

## 4

1-2 Ñ wa n tɔɔei Timotee, i ya maa waazoa ine ɲa idei Ilaaɔ waati kãma fei. I ya tã sɔɔlu baa bii beirei, à jɛ a kù jɛ. Ñ wa n tɔɔei si wajui Ilaaɔ do si wajui Jesu Kirisi, nɲu iyi á kiiti ilu hunde do iku ɲa. Na irii kunyie wa do kunaai bommaei ñ wa n dasie icɛu bɛ. Na nɲu, lɛlɛ ɲa, nɔ i nyisi ɲa kurara nɲa, mu nɲa gbugbã, nɔ i kɔ ɲa si cioi idei Ilaaɔ do suuru nla nla.

3 Ñ wa n fɔ beɛbei domi waati gɔ wa naa iyi ine ɲa a kaa bi idei kukɔsi jiida ku gbɔ, amma aa dɛdɛa ara nɲa woo kɔ si cio nkpɔ, ine ɲa iyi aa lɛlɛ ɲa do ide iyi à bi ku gbɔ.

4 Aa kɔ ku gbɔ ide ntɔu, nɔ aa sinda ara nɲa si idei arái amanɛ ɲa.

5 Amma awɔ, mu arɛ si mii fei, temua do ijuupã, ce icɛi laabaau jiida ku waazoe, nɔ i jɔ icɛi idei Ilaaɔ iyi ì waa ce ku kɔ mam mam.

6 Amma amu takam, kuwɛem í jɛ bei atɛi kuwee iyi à waa nikã, nɔ waati iyi an jɔ andunya í maai wa.

7 Ñ jabu jiida, nɔ ñ sei ñ bɔ hee kɔɔ, nɔ ñ wa n leekí si naanɛ ku dasi dim dim.

8 Nsei, ñ mà iyi an ba ribai dee dee ku jɛ. Lafɛɛ woo kiiti dee deei á muum si ajɔ nɲu. Kù jɛ amu akã, amma hee do ine ɲa iyi à bi ajɔi kunyie wa fei.

### *Idei ankãanyi*

9 Ce kookaai i hãmɛem wa ɲya ɲya,

10 domi Demasi í jòm í bɔ Tesalonika si na iyi í jɔ í bi andunya kaa kaa. Kerɛsani, ine nɲu í nɛ ikpa ilei Galati nɔ Titee mɔ í nɛ ikpa ilei Dalumasi.

11 Luku nɲu akãí í wa bi tom ihɛ. Gbã Maaku inɛò i naa wa ajɔ ɲa, domi á yɔkɔ ku sobim si icɛm nɔu.

12 Ñ bɛ Tisiki Efɛɛzu.

<sup>13</sup> Bii ì waa naa, soom kumboo ku nya tütüm wa iyi ñ jò Torasi kpasëi Kaapusi, do tiam ña, iyi í re mòm ññui í je iyi à ce do batau.

<sup>14</sup> Alesandu gbɛɛu \*, í ceem laalo ntɔ ntɔ. Lafɛɛ á sãa mii iyi í ce.

<sup>15</sup> Awɔ mɔ laakaiɛ, domi í kòsí ide nwa do gbugbã.

<sup>16</sup> Inɛ kãma kù nɔ kù leekí do amu sinteu mòm iyi ñ wa n kɔ̀ò aram, aña feii à jòm. Ilaaɔ ku maà mu ña do.

<sup>17</sup> Do ññu fei, Lafɛɛ í leekí do amu í muum gbugbã, ku ba n waazo laabaau jiidau mam mam nɔ dimi mmu ñau fei a gbɔ̀. Nɔ ñ fita si wahalau bei inɛ iyi í gbã hai si gɛlɛi muusu nla.

<sup>18</sup> Lafɛɛ á nyam hai si laalo baa yooma fei, nɔ kú jò n lɔ si bommai lelee do alaafia. Ka saabusɛ hee do ajɔ fei. Ami.

### *Fɔ̀ɔi ankãanyi*

<sup>19</sup> Ce Pirisila do Akilasi fɔ̀ɔ do inɛi kpasëi Onezifɔ̀ɔ ña.

<sup>20</sup> Erasitu í gbe Kɔ̀renti bɛ nɔ ñ jò Torofimu Miletu, domi kù waa nɛ baani.

<sup>21</sup> Ce kookaai í naa hee sukui tütü ku maa to. Ebulusi, do Pudɛni, do Linusi, do Kolodia, do inɛ nwa ñau fei à waa ceɛ fɔ̀ɔ.

<sup>22</sup> Lafɛɛ ku wɛɛ do awɔ̀.

Nɔ didɔ̀i Ilaaɔ ku wa si inɛ fei.

---

\* **4:14 gbɛɛu** Gbɛɛɛ iyi à waa fãau ihɛ kù je bei gbɛɛɛ ku rɔ̀ kaako ña. Inɛ ññu isɔ̀ ku ce booda ña do iwɛ iyi inɛ ña à ya maa tɔ̀ɔi í ya yó.



## **Akabuu Titõi Idei Ilaa** **Monkole New Testament**

copyright © 2006 SIM International

Language: Monkole (Mokole)

Translation by: SIM International

### **Monkole, Akabuu Titõi Idei Ilaa**

This translation, published by the UEEB/SIM au Benin, was published in 2006.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

---

PDF generated using Haiola and XeLaTeX on 18 Apr 2025 from source files dated 29 Jan 2022

596bf1bc-1348-53da-8787-98c1d2a18282